



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Odluka
o davanju saglasnosti pobratimskom Gradu Magdeburgu (SR Njemačka)
na tekst kojim se odaje počast žrtvama i preživjelim opsade grada Sarajeva
(Prijedlog)

Predlagач: Gradonačelnica
Obrađivač: Stručna služba za
protokolarnе poslove, odnose s
javnošću i međunarodnu saradnju

Sarajevo, septembar 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na __. sjednici održanoj __. __. 2023. godine, donijelo je:

(Prijedlog)

**Odluku
o davanju saglasnosti pobratimskom Gradu Magdeburgu (SR Njemačka)
na tekst kojim se odaje počast žrtvama i preživjelim opsade grada Sarajeva**

Član 1.
(Predmet Odluke)

Ovom odlukom Grad Sarajevo daje saglasnost pobratimskom Gradu Magdeburgu (SR Njemačka) na tekst kojim se odaje počast žrtvama i preživjelim opsade grada Sarajeva.

Član 2.
(Realizacija)

Baner sa tekstom kojim se odaje počast žrtvama i preživjelim grada Sarajeva, Odlukom Gradskog vijeća Grada Magdeburga od 17.08.2023. godine, bit će postavljen u dvorani pobratimskih gradova.

Član 3.
(Stupanje na snagu)

Ova odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVALJUĆI GRADSKOG VIJEĆA

Jasmin Ademović

Broj:
Sarajevo, __. __. 2023. godine

OBRAZLOŽENJE

PRAVNI OSNOV

Pravni osnov za donošenje Odluke sadržan je članu 31. stav (1) tačka b) i člana 90. stav (1) Statuta Grada Sarajeva („Službene novine Kantona Sarajevo“, broj 7/23) kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupiti međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

RAZLOZI DONOŠENJA

Grad Magdeburg (Savezna Republika Njemačka) ima uspostavljene pobratimske odnose sa Gradom Sarajevom od 1977. godine, a to prijateljstvo je potvrđeno i „Zajedničkom izjavom gradonačelnika Sarajeva i Magdeburga o jačanju partnerskih veza“ potpisanom 27. novembra 1998. godine.

Gradsko vijeće Grada Magdeburga je na inicijativu Frakcije Die Linke i Frakcije FDP/Stranka za zaštitu životinja, na sjednici održanoj dana 17.08.2023. godine, donijelo Odluku da u Staroj Gradskoj vijećnici Grada Magdeburga, u dvorani posvećenoj pobratimskim gradovima, postavi baner sa prikladnim tekstom kojim Pokrajinski glavni grad Magdeburg odaje počast žrtvama i preživjelim najduže opsade grada Sarajeva u trajanju od 1.425 dana, od 5. aprila 1992. do 29. februara 1996.

Ova inicijativa je proširena i na odavanje počasti žrtvama Zaporožja, ukrajinskog grada sa kojima Grad Magdeburg ima uspostavljene pobratimske odnose od 2008. godine.

Shodno naprijed navedenom, Ured gradonačelnika Magdeburga dostavio je Gradu Sarajevu na odobrenje prijedlog teksta koji glasi: *Pokrajinski glavni grad Magdeburg odaje počast žrtvama i preživjelim najduže opsade pobratimskog grada Sarajeva u trajanju od 1,425 dana od 5. aprila 1992. do 29. februara 1996. Tokom rata u Bosni, oko 11,000 ljudi, uključujući 1600 djece je ubijeno u Sarajevu, a 50,000 je ranjeno.*

SREDSTAVA ZA PROVOĐENJE ODLUKE

Za realizaciju ove odluke nisu potrebna sredstva iz Budžeta Grada Sarajeva.